



**ENTI RREGULLATOR I ENERGJISE
BORDI**

**VENDIM
Nr. 19, datë 31.01.2020**

**MBI
SHTYRJEN E AFATIT TË KRYERJES SË MONITORIMEVE PRANË SHOQËRIVE TË
LICENCUARA NË VEPRIMTARINË E PRODHIMIT TË ENERGJISË ELEKTRIKE
NGA CENTRALET EOLIKE.**

Në mbështetje të nenit 16 të Ligjit nr. 43/2015 “Për Sektorin e Energjisë Elektrike” i ndryshuar; nenit 93 të Ligjit nr. 44/2015 “Kodi i Procedurave Administrative” si dhe të nenit 15 të “Rregullores për organizimin, funksionimin dhe procedurat e ERE-s”, miratuar me vendimin nr. 96, datë 17.06.2016, Bordi i ERE-s në mbledhjen e tij të datës 31.01.2020, mbasi shqyrtoi relacionin me nr.24/5 Prot, datë 28.01.2020 të Drejtorisë së Licencimit, Autorizimeve dhe Mbikqyrjes, lidhur me kërkesën për shtyrjen e afatit të kryerjes së monitorimeve pranë shoqërive të licencuara në veprimtarinë e prodhimit të energjisë elektrike nga centralet eolike,

Konstatoi se:

- Bordi i ERE- me vendimet:
 - Nr. 173, datë 07.11.2019, “Mbi kërkesën e shoqërisë “E - Vento S.R.L Albania” sh.p.k., për shtyrjen e afateve të vendimit të bordit të komisionerëve të ERE-s nr. 84, datë 17.07.2008, i ndryshuar”.
 - Nr. 180, datë 20.11.2019, “Mbi kërkesën e shoqërisë “Hera” sh.p.k., për shtyrjen e afateve të vendimit nr. 61, datë 02.11.2007, i ndryshuar”.
 - Nr. 181, datë 20.11.2019, “Mbi kërkesën e shoqërisë “Alb Wind Energy” sh.p.k., për shtyrjen e afateve të vendimit nr. 13, datë 28.01.2008, i ndryshuar”.
 - Nr. 182, datë 20.11.2019, “Mbi kërkesën e shoqërisë “Albanian Green Energy” sh.p.k., për shtyrjen e afateve të vendimit nr. 89, datë 06.08.2008, i ndryshuar”.
 - Nr. 183, datë 20.11.2019, “Mbi kërkesën e shoqërisë “Biopower Green Energy” sh.p.k., për shtyrjen e afateve të vendimit nr. 90, datë 06.08.2008, i ndryshuar”.
 - Nr. 226, datë 20.12.2019, “Mbi kërkesën e shoqërisë “ERS-08” sh.p.k., për shtyrjen e afateve të vendimit nr. 63, datë 13.06.2008, i ndryshuar”.

ka vendosur pezullimin e shqyrtimit të kërkesave për shtyrjen e afatit të plotësimit të kushteve të licencimit, me qëllim kryerjen e monitorimeve pranë selive të këtyre shoqërive dhe pranë zonave ku do të shtrihen dhe zhvillohen projektet eolike, për v të evidentuar, dokumentimuar dhe shqyrtuar të gjitha rrethanat të cilat aplikuesit pretendojnë se u kanë pamundësuar zbatimin e kushteve dhe afateve të parashikuara në vendimmarjet e ERE sipërcituar. Afati i pezullimit të parashikuar në këto vendime, përfundon jo më vonë se 90 ditë nga hyrja në fuqi e vendimeve.

- Në zbatim të sa më sipër, kanë filluar monitorimet pranë këtyre subjekteve nga grupet e punës të ngritura për këtë qëllim.
- Nisur nga ecuria e deritanishme e monitorimeve të kryera pranë selive të shoqërive dhe në terren, parashikohet se do të jetë i pamundur finalizimi i tyre në zbatim të afatit të përcaktuar në vendimet përkatëse, sipërcituar.

- Distanca e madhe në të cilën ndodhen të vendosura Centralet Eolike, si dhe terreni I vështirë ku këto shoqëri kanë filluar punën me qëllim ndërtimin e centraleve eolike, krijojnë vështirësi për kryerjen e monitorimit në terren.
- Gjatë gjendjes së fatkeqësisë natyrore të shkaktuar nga tërmeti, për disa ditë me radhë u pezulluan veprimtaritë në sektorin privat dhe shtetëror, çka solli vonesa në përfundimin e shumë procedurave dhe kufizim në lëvizje.
- Vështirësi në përfundimin e këtij procesi janë krijuar dhe nga vetë shoqëritë, të cilat pavarësisht se kanë detyrimin për marrjen e të gjitha masave për të siguruar çdo dokumentacion të nevojshëm me qëllim përfundimin e monitorimit të parashikuar në këtë vendim në afat, kanë kërkuar zyrtarisht nga ERE kryerjen e monitorimit vetëm në disa ditë të caktuara për shkak se nuk kanë qenë prezent në zyrë (shërbime jashtë vendit apo mungesa e administratorit).

Për gjithë sa më sipër cituar, Bordi i ERE-s,

Vendosi:

1. Shtyrjen deri në datë 29.02.2020 të afatit të pezullimit të parashikuar në pikën 3 të vendimeve:
 - a. Nr. 173, datë 07.11.2019, “Mbi kërkesën e shoqërisë “E - Vento S.R.L Albania” sh.p.k., për shtyrjen e afateve të vendimit të bordit të komisionerëve të ERE-s Nr. 84, datë 17.07.2008, i ndryshuar”;
 - b. Nr. 182, datë 20.11.2019, “Mbi kërkesën e shoqërisë “Albanian Green Energy” sh.p.k., për shtyrjen e afateve të vendimit Nr. 89, datë 06.08.2008, i ndryshuar”;
 - c. Nr. 183, datë 20.11.2019, “Mbi kërkesën e shoqërisë “Biopower Green Energy” sh.p.k., për shtyrjen e afateve të vendimit Nr. 90, datë 06.08.2008, i ndryshuar”
2. Shtyrjen deri në datën 16.03.2020 të afatit të pezullimit të parashikuar në pikën 1 të vendimeve:
 - a. Nr. 180, datë 20.11.2019, “Mbi kërkesën e shoqërisë “Hera” sh.p.k., për shtyrjen e afateve të vendimit Nr. 61, datë 02.11.2007, i ndryshuar”;
 - b. Nr. 181, datë 20.11.2019, “Mbi kërkesën e shoqërisë “Alb Wind Energy” sh.p.k., për shtyrjen e afateve të vendimit Nr. 13, datë 28.01.2008, i ndryshuar”;
 - c. Nr. 226, datë 20.12.2019, “Mbi kërkesën e shoqërisë “ERS-08” sh.p.k., për shtyrjen e afateve të vendimit Nr. 63, datë 13.06.2008, i ndryshuar”;
3. Drejtoria e Licencimit Autorizimeve dhe Mbikqyrjes të njoftojë palët e interesit lidhur me vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim brenda 7 ditëve kalendarike nga marrja e tij, si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI I ERE

Petrit AHMETI